



浙江圖書館



811.108999
25901



浙江圖書館



胥溪朱氏文會堂詩鈔卷三目錄

尚胥里派第二十世孫美鏐謹纂

笠亭公三十首

春漪公二首

弈範公一首

夢齋公二首

可與公九首

子端公十一首

景蘭公二首

鹿友公二首

諍可公四首

津廬公一首

蕙圃公一首

啟盈公十二首

省菴公十三首

山齋公一首

紅樵公二首

蘇蘇公二首

曾恭公十三首

蕙圃公一首

頓河公四首

景蘭公二首

何與公一首

齊謙公一首

登亭公三十首

山齋公一首

翹益公十二首

辨嵐公一首

與文公二首

于繼公十一首

夢齋公二首

春澗公二首

尚書星飛策二十世蘇美廷編

文會堂詩金卷三目錄



胥溪朱氏文會堂詩鈔卷三

尙胥里派第二十世孫美鏐謹纂

笠亭公小傳

公諱炎字桐川號笠亭延瑞公支十六世孫髫歲遊
庠乾隆辛未南巡召試二等賞段兩匹中丞承
公聘修幸浙盛典壬午充歲貢應京兆試乙酉丙
戌聯捷進士授直隸阜平令時聖廟久蕪廣文寓
於鄉公捐俸重建北地多藝黍梁獨阜邑宜稻公廣
勸種植民咸便之邑素無志創舉未畢以勞卒王方
伯檢助資歸葬詳郡志文苑傳著笠亭詩鈔十二卷
選入王少司寇昶湖海詩傳阮儀徵相國兩浙輜軒
錄子旭林公諱春暹國子生亦
善詩客死江蘇幕著作無存

學仙吟 并序

揣摩之家不求元本因假學仙事設爲主客以

諷之卽用自勵

涉壺嶠。登蓬瀛。對酒歌太平。茹采盡瑤圃。遨遊赴玉京。
何必憑虛躡景。凌霞城。繫余生海上。滄洲一小郭。作客
楓林江。楓葉江邊落。桂樹爲船青。絲竿。擢以木蘭黃金
錯。帆風席月年復年。興酣落筆解衣氣磅礴。江波海濤
注向筆毫裏。譬與仙人對博。攬六著。有客聽我談。勸我
學登仙。登仙自有訣。會合自有緣。名書絳簡定甲乙。但
步陳轍隨輜軒。聞之唯唯又否否。掉頭不顧面向天。我
今乘槎直上。通天漢。迢迢兩界星。燦燦揮斥雲烟走雷
電。此時俯看三島與十洲。依稀還在塵中見。客起別我

如此神仙不
亦可悟所當
求者矣

笑我狂。我亦笑。客空佺佺。我今更有說。請客且住爲客。
詳說經稟元一。問道起延康。五圖九籥發秘冊。字字入
角騰精芒。桂父木羽各傳授。鍊以丹鼎盛玉漿。青鸞白
鹿至此盡可駕。豈有御風而行不足依。三光不然空談
學鍊質。七門促促入。又出翁離趾。中難築室。

書草聖彙辨後

并序

曾叔祖學博迦陵先生著後載草訣百韻爲高
祖復初公手書典型具在而怱怱不暇昧於傳
述當時纂集本末大費苦心猶得聞之父老恐
遲久無有知者因爲題此

碧天四垂濃靄和。雲頭葉葉攢金柯。霞吹月上照窗紙。
一編草聖頻摩抄。煙霏霧結看不定。乍駐乍引象則那。
細如游絲裊欲斷。聳如峻嶺連嵯峨。鬱如虬松起灑壟。
迅如絕壑崩神波。變態歷落包萬類。專家局踣真么磨。
憶昔童年聞父老。先生豪放世莫過。文章經濟富抱負。
高談雄辯如縣河。興酣落墨一伸肘。抉猊奔驥蟠蛟鼉。
念世行草兩淆雜。集古千卷時婆娑。捫碑一一鑒毫髮。
剖析同異辨古歌。巾箱奚囊雜紙札。點竄塗乙音黠堆成
窠。是時四海遭兵燹。飛花蹂躪憑干戈。象犀文具恣攫
取。轅塵滾滾馳明駝。五車三篋散如雨。縑素殘裂存多

訛獨此數卷鏘光怪落筆便有神撝呵我

朝定鼎靖天下肆以文德精研摩先生中選上公車懷
鉛握槧勤搜羅續文成帙燕臺下歸鞍挾冊秦山阿嗜
奇文吏蕭與白見之歎絕爲編劄傳聞耳熟恐失墜嗟
余生晚低膺俄連錦書體世所重巨山草勢奚足多兒
曹豈敢賤野鶩墨池惜已沈三螺堂前問業祖居堂名歎無
分掩卷曷禁雙滂沱

淡巴菰田 并序

淡巴菰煙草也一名金絲薰亦曰相思草明季
移種自呂宋國創自漳泉漸傳至九邊今則徧

天下男婦老少無不嗜者為之寄意

相思何所贈贈爾淡芭菰歡作巫山雲儂作博山鑪一解

儂道相思苦歡道芭菰淡金刀切作絲著火星星暗二解

芭菰復芭菰淡處見相思儂采相思葉葉葉定連枝三解

作底種相思相思攜滿袖歡是江南人不用栽紅豆四解

拜張黃門墓

古冢遙臨水一灣諫垣豸節重人間封章未合金貂座

對策空高玉筍班殘白新黃餘七字寒香晚翠騰雙鬢

垂楊秋冷風蕭瑟一笑難尋舊日山黃門殿試對策慷慨卷盡不能了翼

日傳禁中取閱以為佳欲置高第因違式而止使海外與館伴朴判書聯句至溪流殘白春前雪柳折新黃夜

半風朴大服閣筆後以言事與時幸不合歸居里之一
笑山卒後無子二妾日寒香晚翠弱齡守志同墓墓旁

陸甥以謙示余和沈丈松阜看杏花絕句時花落

久矣

杏花消息雨聲中陳簡齊句衝雨歸來數落紅正值清明好

時節粥香餉白怨春風

馬蹄春日長安客曾向花前共獻歌記得城東攜手路

夕陽灩灩上衣多昔與李傅巖東城看杏賦詩六絕今李又赴禮部試

哭標謝

不謂生離日翻成死別辰有才竟若此無命歎斯人妖

夢偏多踐訛言忽是真余在桐鄉夢標謝語刺刺不休皆作塵外想心訝之晨起書賈

來得凶信以傳之
非真也已而果然
同心今幾輩為爾涕沾巾

每怪憂生語年來感慨多有時荷短笠縱酒獨長歌此

意嗟誰識佯狂欲柰何因君念身世底事慰蹉跎

談經雄折角絳帳久傳名後世誰知己關心有弟兄謝標

從弟邦垣彙鈔遺集問世來求訂正幾時曾著錄一死見交情好為收遺

集休教負此生

無兒同悼歎君死竟伶仃斑點湘中竹孤憐曙後星且

將吟式穀須為守遺經嗟此艱難會飛鳴在脊令往甲日令

弟濟之悲不自勝身後事皆獨任焉

朱絲歎為錢貞女作 并序

貞女桐鄉人許字嘉興某氏子未婚夫亡女以
父老無子誓終身不嫁奉親焉除簪珥去華飾
期年矣突有委禽者女知父意不可回題絕命
詞以元聘紅絲自經聞而義之作此俟采風者
澹澹朱絲繩相牽始成匹成匹亦其常何心立奇節柰
何同功絲不作同心結通名未相見一朝便永訣雖未
結同心蚤已誓同穴泣涕奉朱絲躊躇顧白髮相持不
敢言相依亦暫活皎皎閨中心明明天上日心與日光
明不隨月盈闕朱絲繫生死朱絲豈斷絕突來隔幔人
欲比攀枝葛養父事不終守義志難奪背面辭阿父報

恩在專壹緣以朱絲成命以朱絲畢桃李紅易焉不隨桃李

鬪春風絕命詞句也朱絲未許涅絲絲見素心嗟哉貞女潔

寄沈雲椒

館

連雨流忽漲縱橫浮輕船盈盈帶一水相望何迢迢聞君去延陵高坐談風騷山光入庭戶東夫而南椒往事感吳越古心起岌巖又聞芙蓉湖香氣夕復朝倘摘同心花置袖芳不銷今余往由拳獨吟睇層霄停雲佇吾友舟子未可招水滿多鯉魚何以慰寂寥

蔡貞女詞

并序

貞女石門蔡梵珠妹也梵珠從田石齋學師弟

相得以其妹妻石齋子兩元未婚而兩元卒貞
女欲奔喪不得服素家居聞兩元墓有期絕粒
以殉田氏迎柩合墓以遂同穴之志爲作此詞

白鵠來何方十十五五飛成雙有樹連理山之陽枝枝
葉葉各相當人生有匹偶匹偶何可忘

解一

紉蒲作履兩

頭繫女子許嫁嫁從壻壻尙未親迎壻已去人世此身
未分明此盟不可二

解二

委我頭上笄裂我桁上衣聞喪

不及赴日夕牽帷啼恨我此生不得與君同牢共舖糜

解三

上有蒼穹天下有厚地山與川我生其間朝饗而夕

餐今我何爲朝饗而夕餐

解四

本是同年生恨不同年死

生不同居死同穴同穴而死事畢矣五解兩家議合葬合

葬升崇巒佳氣何鬱盤野莽宿墳土乾貞女之心千年

與萬年嗚呼貞女之心千年與萬年六解

寄東亭

吟霜坐月一盞經怨別悲秋九月中落葉聲中聽亦慣

年年顛顛是西風

裁書幾徧截秋蒲漫說家雞與野鳧擬訪熹平舊書體

安排車輛到鴻都

為補堂族孫題族祖子于先生畫卷

平泉草木彫傷矣賸水殘山落腕底當時博士亦冷曹

還有風流繼柱史。芸窗簾閣俯清池。絳帙縹緗照斐几。
攜尊沽酒費杖頭。結伴遊山忙屐齒。興來得句錦囊中。
吟到無聲圖畫裏。槃薄豪情墨瀋翻。淋漓元氣筆端起。
指撝藝苑許擅場。燦爛聲華久貫耳。白雲何處望松楸。
喬木空教雜桑梓。胥川孫子有詩名。病骨支離在床第。

補堂尊人士可病
癱瘓而不廢吟詩

生兒縱已能傳經。將父終教出負米。

補堂將
之楚中

飄零舊物過雲烟。落拓青衫半泥滓。開函水墨

記前規。轉眼繁華思故里。打頭蝸舍久低眉。幾日龍門
見燒尾。爲君展卷重摩抄。感舊言懷敘終始。烏衣門巷
劇關情。不獨淒涼託故紙。

子于公諱景肅號竹聲三峯
公支十四世孫明選貢生順

治間以臬司佟公薦舉徵授常山縣教諭歸田後築喻園與騷人逸士尊酒論文怡怡如也家乘自嘉靖甲辰輯後已百餘年公四次修之始有刻本詳郡志文苑傳邑志孝義傳公遺橐無存敬附識於此

應京兆試臨發作

館

笑畫名場餅時登騷客壇不禁悲老大乃欲走長安此
最銷魂別還愁行路難江湖多物色聊與試吟鞍
纔喜過梅雨偏來舶趁風記程當日下數節正天中夏
館還如甌征車況似弓定知雲起處長望海門東
作客從來慣離情此日真歸期遲歲月去路幾關津四
海誰知己全家欲累人牽衣有童稚相顧一沾巾
燕市英雄地黃金尚有臺況逢全盛日尤賴出羣才意

氣吟邊合風雲望裏開。只愁燈下坐鄉夢夜深來。

出京日別館閣諸公

丙戌九月十二日

登高酒醒賦閒居。多謝吟朋下直廬。燕市宜償千里駿。
山臺還讀十年書。邑有橫山顧籬花影瘦風三徑蘆雁
飛單月一梳。今夜潞河舟上宿。可分清夢到簪裾。

接席京華正一年。登場楊葉已重穿。于今纔放青冥翅。
幾日相隨紫禁仙。海國風霜歸權響。

帝城烟樹客心懸。此行便覺雲霄迥。不爲離愁也惘然。
廬山謠渡彭蠡作

我渡彭蠡湖。想象匡廬山。望之不得見。心墮飛鳥前。推

蓬懊惱掩篷坐閒繙圖史懷前賢商周之際有匡續結
廬巖岫稱神仙豈必丹鼎畱空山高人落落晉宋間風
調清遠如白蓮浮屠結社亦偶然士各有志行吾意學
仙學佛皆遊戲抗情千載倦枕書飄飄石磴揚輕裾眼
底芙蓉九十九銀河倒瀉凌虛走萬杉森處撲人寒竹
林聽梵塵網刪古寺鐘聲何處起依然身在篷窗裏回
頭但見白雲多人生萬事皆如此我心愛山同愛才投
契何妨隔千里不然日住廬山中面目非真難爲容煎
茶不必三疊之玉簾舒錦不必九疊之屏風安得浩浩
落落太古之氣填心胸隱几如親五老峯

贈蔽山書院山長蔣翰林

士銓

霜磴凌雲上曉暎。風清講院得春溫。來經闔苑仙階秀。
望擬河汾師道尊。玉屑霏霏揮麈尾。松風謾謾起龍門。
相逢便許傾肝膈。不獨文章與細論。

歸愚先生一代宗匠。曾於友人前數數垂詢。以奔走衣食未遑。請業偶得溪山酒客。桃花小幘題詩。寄呈載閱寒暑矣。今年得寄謝詩二章。用意懇摯。嗟老成之已逝。念疇昔而興懷。謹次元韻以誌感。未遇文章伯。徒登翰墨場。遺詩傳懇懇。歎逝已茫茫。何處春風坐。不禁花雨涼。低頭吟不盡。句裏別生香。

彷彿桃源路。空餘萬古春。縱然畱往迹。那復見漁人。印
水無非月。通流自有津。江湖原不廢。白石想鄰鄰。

楊柳青五言絕句四章

楊柳條條直。青還換舊枝。此時故園柳。只恐賸垂絲。
落葉帆風滿。枝空雁影屯。道中離別感。南北兩銷魂。
古道風霜後。涼蟬占幾株。來時夜邨裏。葉葉可藏烏。
密處能含雨。低時只帶烟。明春江柳好。還記此纏絲。

春漪公小傳

公諱元瀨。譜作浩。字紀堂。號春漪。可三公。支十六世。
孫庠。生遊幕直隸滄州。分司署乾隆甲辰三月十五
日。獨遊朗吟樓。不返。越三日。青縣牒報水中尸。公僕
往視。負骸歸。斂樓本臨江。何以入水。莫測其故。橐亦

盡失張茂才開福錄贈兩
詩無後主擬耐崇雅祠焉

虹橋板歌爲張金粟賦

北平公子耽古癖。凌晨過我城東宅。袖中貞質示神奇。
虹橋之板剛盈尺。粹若琦瑛無纖瑕。黝如點漆生光華。
芸窗經宿香微馥。寶之詎易黃金車。武夷羣峯插天碧。
枯木危根挂絕壁。幔亭宴罷仙人還。丹霞明滅山之春。
聚散沾藏皆物理。流傳昔有延陵子。斯物於今得所歸。
穀紋久重文章里。得無精氣相因依。不然變化騰空飛。
襲以緋錦封秘笈。珍名欲奪巖山圭。頻年作客巴陵道。
躡磴盤雲事幽討。賞心勝迹渺難摹。弈弈神顏鬪舞草。

醉臥忽聽天雞鳴。劣波萬里愁歸程。安得支機一片石。乘槎海上訪君平。

贈張芑堂

富貴結交多。貧賤知己少。子焉守空幃。書史自參考。吾鄉張公子。瀟灑出塵表。遨遊泰岳巔。殘碑共按討。貞石與吉金。古香發異寶。束裝還故里。持以惠夙好。契闊情轉親。乃知交有道。願與結比鄰。秋樹根常埽。

弈範公小傳

公諱宏模。字弈範。北溪公支十七世孫。廩生。康熙戊子科。經魁鄉薦。後公車至淮。上夜聞鄰人哭甚哀。詢之。因失官物。欲自縊者。公傾囊中金。贈之扁舟。返里。終不復出其仁厚恬退如此。詳邑志。孝義傳。

題曾叔祖誠齋公廬墓詩

忍使重泉隔形離神不離纏絲坐墓意感召鬼神知動
植徵為瑞露霜久向悲南陔遺此義載譜廣微詩

夢齋公小傳

公諱作楫字立菴號夢齋三峯公支十七世孫國子
生與馬觀察維翰許茂才元文及從弟上舍權族子
孝廉謨烈結五子社讀書管葛山房初學李長吉楊
鐵崖時作幽麗新怪語矯激俗尚後聞漁洋談藝乃
一歸妍雅臨終時悉自焚其橐猶子邑令大勳於做
篋中偶得兩首弄如珍異雖無繇索其全橐而清雋
之氣可見一斑矣

九日同墨麟元文可與登豐山明日又登秦山作

卽和墨麟元韻

昨夜新霜點點飛。蒼茫野色夕陽微。雲開皎月隨波上。
風急啼雅認樹歸。衰柳笛聲迷古渡。寒楓砧韻搗斜暉。
攜筇拳石支頤坐。冷露濛濛溼客衣。

秦溪晚歸適灑亭亦至因疊前韻

遙指霜天旅雁飛。但憑雙屐探幽微。靜看紅葉無端落。
便插黃花未忍歸。祇有秋聲憐皓月。好將詩興寄斜暉。
何咸更喜相逢速。濁酒痕畱白紵衣。

可與公小傳

公諱權字仲謀號可與三峯公支十七世孫國子生
幼時曾病死越宿復活故又名更生嘗結五子社以
詩自娛凡目之所寄意之所觸悲喜駭愕悉寫之於
詩而意趣自與古合他如術數篆刻投壺博弈音律

畫繪之事皆殊絕雖無所遇亦足以豪矣詳
郡志文苑傳著可與詩鈔采入兩浙輶軒錄

雜詩

南山植松柏霜雪厲貞翰所貴歲寒心引爲君子伴松
柏無改操人心有中變捷徑啟終南投書達空翰拜塵
者誰子亦作巢由面人生懷志節失足莫能追卓哉富
春山浮雲任舒卷

眞娘墓

瀟瀟雨打白楊樹遊人指點眞娘墓塞北雪作江南花
飛來飛去天之涯移舟桃葉渡送客芳草路回首吳宮
歌舞人豔骨於今埋何處

題畫

獨鶴盤天未。疎鐘度碧空。亂山人語寂。聲在白雲中。

聽徐棻龍琴

蕭蕭橡葉苦作聲。管山淡碧葛水清。明月欲上雲欲生。
徐子抱琴至。爲鼓一再行。陰山夜雪將三更。海波盪石
心魂驚。須臾日暖春鳥鳴。仙人飛空衣袂輕。梅花吹落
臨江城。我生三十不稱意。然松引火光照地。山精莫壓
擎人臂。立向青天垂涕泗。咄嗟徐子爾亦落魄。被放畱
榛菅。撫弄十指慘我顏。不若兩人冥心靜對如石頑。

秋夜吟

并序

新秋墨麟過豐山與灑亭讀書緯旅閣兩君每

夜聯句得一二首犯曉錄示秋色滿庭蟲聲四

壁兩君不占盡耶依韻和之得十五首錄二首

綽有忘機趣尋盟向海翁雲銜山背滿秋翦樹頭空黯

淡芭蕉雨芳菲茉莉風意中人在目無語寄征鴻屢促元文

不至
謹之

何至角聲動吟魂倍黯然最憐芳草夢長倚古松眠夢齋

兄生前有芳草詩三十首研露讀秋水凝神見葛天溼雲流不去依

舊著愁邊

茆菴訪梅

積雨荒邨霽色新。梅花應自倍精神。奚奴擔酒青山道。
羸馬嘶寒綠水濱。雅愛竹林橫瘦骨。慣貪古石倚吟身。
茆亭一角清幽處。縷縷炊煙定有人。

孤山

我愛孤山林處士。水邊籬落種寒梅。恰憐此夜昏黃月。
放鶴亭前入照來。

一株猶賸見離奇。獨對東風有所思。底事西泠橋畔路。
遊人爭唱柳枝詞。

子端公小傳

公諱楷字子端可。六公支十七世孫。公性孝友。母病
露禱告天。願減算以延親壽。病果愈。攻苦讀書。久病

不克赴試嘗銘座右曰不愧天不作人在於立志能窮理能盡性方是讀書蓋合聖訓祖訓而以之自警者也著附草四卷自竹軒公至公十世皆以詩學傳其家今公孫謙受什襲彙弄焉

觀江湖

秋聲漫天起。秋氣捲地來。俄然奔萬馬。一綫海門開。閃激流電隱。隱殷疾雷。青山淡無色。斷續落雲隈。我來一眺望。長此獨徘徊。

述懷

我家無長物。老屋祇數椽。詩書守世業。生涯惟石田。功名身外事。不官可學仙。畏炎避林下。抱琴常獨眠。欲解我心熱。朗誦秋水篇。有時悟元理。靜坐聽流泉。涼風吹

遠道俗慮頓然捐夕陽在山下樹杪噪晚蟬悠然對此景萬物任推遷

種菜吟

菜花開似黃金飾美人頭土簪未得但願我口齧此根莫教人面有秋色

寄慨

君不見亭亭修竹陰堪愛夏日能教炎熱退解得虛心是我師一身瀟洒高流輩又不見寒松凜凜秀徂徠冬天不畏霜雪摧須知勁節在特立梁棟千年重美材無知草木且如此人稟秀靈敢自頽天地生才豈有涯雕

蟲小技漫矜誇。一得沾沾私心喜。量不盈缶。志太奢。古
來砥礪非良玉。琢磨不力存疵瑕。自足常因一念起。毫
釐之謬千里差。時事渾如駒過隙。到得當前徒惋惜。君
子周德不求知。綢繆未雨情彌適。干戈矛戟挺身來。氣
節堅持無變易。談笑從容自若天。兵戎一卻神弈弈。天
下庸人多苟安。優游身世偷朝夕。豈知萬物有窮期。浩
浩乾坤一闔闢。噫嘻吁。人生百年真瞬息。倏忽光陰如
過客。飽食終日不用心。碌碌無能到頭白。

詠紙帳

剡溪尺幅絕清塵。繭繡長留不老春。一枕梅花香夢覺。

錯○疑○明○月○是○前○身○

九日紀事

千○古○潘○郎○七○字○詩○滿○城○風○雨○五○更○時○催○租○吏○到○門○前○急○
苦○我○何○曾○有○好○辭○

客感

笑○我○生○涯○拙○勞○勞○未○得○安○關○山○千○里○別○風○雨○一○燈○寒○老○
去○心○猶○壯○秋○來○鬢○已○殘○卅○年○羈○旅○客○獨○坐○把○書○看○

歎老

落○落○一○生○過○功○名○柰○老○何○着○鞭○先○壯○志○拔○劍○起○悲○歌○別○
恨○青○山○積○閒○愁○白○髮○多○年○華○畱○不○住○世○事○歎○蹉○跎○

舟行山下

廿載勞奔走。舟行趁夕暉。水深雙槳滑。風緊一帆飛。遠
樹浮屏嶂。閒鷗宿釣磯。世間多樂事。適意卽忘機。

紙帳

豈與芙蓉混。異同夜深冷。浸月明中梅。花香繞三更。夢
蘆絮寒生。一枕風。最是有情憐。髮白偏於靜。處鬪顏紅。
平生淡泊無紛志。恍見羅浮畫筆工。

魯公祠懷古

祠宇森然氣象雄。當年遺愛有誰同。橋邊雁齒銜明月。
堂上魚頭景素風。君政清如金鏡澈。臣心朗似玉壺融。

自從去後民思慕吏治貞廉憶魯公

景蘭公小傳

公諱果馨字景蘭可六公支十七世孫四歲失怙恃居恒刻苦讀書嘗以顯揚爲志惜年僅二十四而卒

哭溱園兄

錄十首之二

書

誤信驅寒桂與蘊病深從此卧繩牀閔蘆免衣親誠善
姜被能聯弟莫忘絳帙題畱新製句紅鑪消盡舊時香
遊魂縱使無他累應念庭闈鬢漸霜

形影相依十八年憑棺今日淚潸然話深長夜燈同坐
想到寒春楊共眠藥爲久嘗多賸味書緣臨病未成篇
庭中盆菊曾經看雨打風飄倍可憐

鹿友公小傳

公諱維嶠字雲峯號鹿友三峯公支十七世孫乾隆
丙子科舉人幼習舉業自嫌質魯倍人千百深探理
學奧窈潛神默記發為文章皆有根柢時笠亭族祖
以詩學勝省如族祖以制藝勝標謝族伯以經學勝
公以史學勝稱武原四朱試迭冠軍士林懾服屢躋
棘闈嘗謂世非無識我者功名有定數反若文無定
衡然我惟篤信乎文而已登賢書後有勸計偕北上
者公謝曰世尚詼諧我甘樸訥人嫻機械我愛嬾慢
經濟非我所能曷若奉菽水敦友愛之為樂乎從遊
日眾朝夕切劘故及門多知名士置義田二十畝為
子孫課讀資詩文遺
散人間傳者絕少

題胥橋送行圖

張顧堂邑侯諱力行湖南湘潭人時調平湖士民繪圖以贈

垂柳垂楊作絮吹離懷振觸餞春時鶯花滿眼關情切

清簾疎簾繫夢思

秦溪北望柘湖遙。雁齒斜橫渡晚潮。畱語片帆應少住。胥橋今是魯公橋。

諍可公小傳

公諱思諫字槐英號諍可龍沙公支十七世孫庠生性端嚴不輕許可衣冠渾樸人敬憚之以敦宗睦族為本乾隆庚子六次修輯家乘獨任其事立規條製序弁首刻入譜中公曾孫廣文昌豫郵寄是詩因錄入焉

敬題支祖愛蘭公遺像

圖藏陸孝廉鼎金家王婿于源知為余祖索以見贈

敬題
二絕

三百年來澤未央。丹青畱得舊冠裳。當時賴有傳神筆。

付與雲仍卜世長。

丰神弈弈幾摩挲。斷素殘紈貌不磨。自歎少時孤露早。
祖先手澤已無多。

津廬公小傳

公諱維。魏字瞻龍。號津廬。三峯公支十七世孫。乾隆丙辰。恩科舉人。少與堂兄鹿友公競爽。弱冠登賢書。鹿友公捷音至。公已遊道山矣。善天文。貫串百家。及術數之學。女夫黃廣文。運亨得其傳。廣文曾授業族父栗珊師。淵源有自。故得熟聞之。遺藁無存。

題曾叔祖誠齋公廬墓詩

銜哀何忍守家園。築室依親傍墓門。難向泉臺承色笑。
卻於邱壟省晨昏。春風芝草先呈瑞。夜月烏啼欲斷魂。
自有胥溪純孝子。不教孝隱獨名邨。

蕙圃公小傳

公諱開成字雖喈號蕙圃廷瑞公支十七世孫少孤母太夫人瘁於家政乃持籌庶務身任其勞以慰母心督課幼弟使專心書史得至成名工吟詠體素弱早卒以嗣子瑞椿官贈文林郎嚴州府教授詩選

入馬嘒

詩鈔

新秋閒步

蟬噪新秋暑乍消葛衫芒屨任逍遙斜陽古樹山城迥

一路槐花過小橋

啟盈公小傳

公諱興萬字啟盈廷瑞公支十七世孫幼工詩文性友愛善病未娶卒以猶子瑞梧為嗣詩選入馬嘒詩鈔

詠虞美人花

綽態輕盈小院中。聞歌曾否憶重瞳。豈真血化三年碧。
但看花開一捻紅。清淺淚痕初挹露。欹斜弱質不禁風。
階前詎有鴻溝水。脈脈柔情若未通。

省菴公小傳

公諱鴻緒字學閩號省菴廷瑞公支十七世孫五歲而孤太夫人教以成立積學敦行推重鄉黨爲文精深典覈貫串百家經史之言卓然名家試輒冠軍乾隆乙未科聯捷進士需次歸里以經術課士改選台州府教授涖官迪士山城絃誦儼如鄒魯以疾去官攀轅餞送盈於道路詳郡志文苑傳著小滄洲金臺鴛湖章安四集采入兩浙輔軒錄馬嘯詩鈔

答族孫禮豐 欽 論文

吾宗世澤長。邁迹自茶院。紫陽振家聲。椒聊遂蕃衍。胥
水分三支。淵源總一綫。詩禮業未湮。人文代相先。爾祖
軼羣才。十歲能文戰。崢嶸五子社。旗鼓當一面。纔歌鹿
鳴詩。遽夢兩楹奠。才華未及施。風采想猶見。爾考恂恂
如讀書。老忘倦。績學不逢年。紛綸空千卷。吾聞天道神
虧盈。常迭禪。鬱積在前人。食報定後彥。嘉爾英妙年。辛
勤守鐵研。應作豪傑想。勿爲時俗眩。文章雖末藝。神明
窮千變。植根自理窟。取材就經傳。氣盛短長宜。意深平
淡絢。是玉方堪琢。惟金迺可鍊。贗鼎飾龍文。終爲識者
賤。探驪得其珠。何有膺鸚薦。子兮幸勉旃。榮名期獨擅。

世業光箕裘。族人盡歡忭。

雪中曉發

官

穀城山暗雲蒼莽。雪花飛飛大如掌。高原風掃不留點。
深谷寒封欲盈丈。旅舍無燈窗紙明。半夜捉衣指頭強。
客程計日難淹畱。我僕打門競喧嚷。凌兢踏凍馬蹄滑。
格磔碾冰車轍響。模糊雲樹合不分。彷彿川塗微有象。
意外驚疑狐聽冰。暗中摸索盲曳杖。憶昔祖道辭故園。
初程解纜登吳榜。百花洲上風吹雪。船頭軋軋看蕩槳。
宿遷道上雪兼風。驢背兀兀生遙想。及茲雨雪又經三。
行路艱難更無兩。翹首長安日漸近。要須努力加鞭上。

潞河柳

潞河柳色可憐生。一路依依伴客行。任是風塵顛顛擷，
向人青眼尙多情。

讀徐同年

志鼎

吉雲堂集有詠寒月見寄之作知

魚素之浮沈也。因次其韻。

新詩擅標格。妙入清華境。王孟淡而腴。絕異郊島冷。冬
月澄寒輝。萬象含真景。詩思忽以深。泊然塵慮靜。蒹葭
淒白露。孤懷存遠省。雙魚沒何處。此夕落燈影。

題張茂才

輝祖

學萊圖

萬戶封侯鐵作券。不若奉親一餐飯。積金論屋珠論斗。

不若壽親一尊酒。念親生兒始孩提。調兒嬉笑撫兒哢。
呱呱啞啞。卅且弁。親顏已失紅玻瓈。高堂日月如流水。
幾人齒落更生齒。鄭莊闕地天良微。溫嶠絕裾人心死。
古之孝者說老萊。白首娛親如嬰孩。今之孝者張公子。
朝羞夕膳循南陔。誰與丹青推妙手。畫出孝子奉慈母。
筆墨纏絲釀太和。盎然如春滿戶。白華補作多良朋。
蓼莪三復涕沾膺。嗚呼風木感不勝。我願學之愧未能。

新秋夜坐

庭前消暑氣。雲已薄如羅。獨有空齋客。蕭然秋意多。微
風響庭樹。淡月耿星河。絡緯聲聲急。年華已半過。

素心蘭和徐大中丞元韻

何勞栽竹勸麻姑。幽客名高十二圖。五蘊盡空空色是。六根皆淨淨因殊。漫言入室金芝並。最喜生階玉樹俱。天與國香真絕俗。輒紅塵到箇中無。

次胡茂才

焯

送行元韻兼柬舊諸友

一官匏繫興蕭條。樓外層巒勢鬱堯。教憶廣文居正近。

鄭虔以廣文博士貶台州司戶大興文教士風漸振所居名戶曹巷學慙崇道世非遙。鴻緒

二十世從祖文公兩主台巾山學署夕照明烟樹瀑布

州崇道觀有祠在北顧山東南秋聲冷石橋。篋裏故人佳詠在。曲江西畔碧天寥。

自警

凡事皆當
謹之於始此
詩可作格言

情真的有
是景况

澄心如止水。波瀾久不起。一朝觸微風。淪漣未有已。君
看勢滔天。皆自涓涓始。勿謂初濫觴。江河日千里。汜濫
無定居。決排已晚矣。塞流絕其源。石出清見底。

椿兒作宰閩中。挈榼兒同行。迂道省視訓示四首

五年遠道京華別。千里孤居骨肉來。乍見驚心翻欲泣。
回思笑口不禁開。孱軀比昔差增健。美錦於今好學裁。
爾往鳴琴吾秉鐸。冰心一片勝多財。

閩地關山我舊過。未知風俗近如何。但憑敬信行蠻貊。
終以清廉起頌歌。此去正逢寒雪少。從來皆說瘴雲多。
縱然鴻雁稀相值。莫使音書阻建河。

棣華荆樹喜多情。長路扇隨得得行。標起雲霞紆遠策。
山開旗鼓入嚴城。簿書豈要文章代。肝膽終須骨肉傾。
弟念兄兮兄念弟。鳴鳩莫忘愛均平。

憶爾當初失恃年。三齡百日事堪憐。卽今捧檄隨兄後。
不見迎輿侍母前。打鼓放衙相助理。篝燈展卷自精研。
邁征日月思無忝。相繼雲途早着鞭。

山齋公小傳

公諱配金字佐舜號山齋
龍沙公支十七世孫庠生

題胥橋送行圖

文星朗照寄奴城。春雨頻催出谷鶯。驥展自彰循異績。

鳧飛難慰別離情。秦山樹誌甘棠憩。長水波澍一葉清。
遙望前旌畱不住。還期竹馬再相迎。

紅樵公小傳

公諱廷謨字覲辰號紅樵龍溪公支十七世孫庠生
少以詩賦鳴於時所著石鯨擊析諸賦選入縣令族
祖炎律賦夏課後人棄儒業賈遺橐散佚道光壬辰
夏寓邑之純一館晤蕭州判應樾述其舊藏公作甚
夥盡燬於火止背誦
贈伊尊甫二絕如左

送蕭湘浦之維揚二首

雷塘自古擅風流。此去煙花定在不。十幅蒲帆輕似鶴。
羨君真箇到揚州。

竹西歌吹譜新詞。月上虹橋掉艣枝。一笑樊川致豪邁。

青樓夢覺十年時

浙江圖書館

男賡康
迺颺
校字

胥溪朱氏文會堂詩鈔卷四目錄

尙胥里派第二十世孫美鏐謹纂

灑亭公十三首

翼齋公一首

懷白公九首

南棧公十一首

眉洲公二十四首

江峯公二首

青樵公六首

南厓公六首

晴嵐公八首

竹友公十五首

秀巖公四首

浙

文會堂詩金
卷四

浙江圖書館

胥溪朱氏文會堂詩鈔卷四

尚胥里派第二十世孫美鏐謹纂

灑亭公小傳

公諱謨烈字丕光號灑亭北溪公支十八世孫雍正癸卯恩科舉人幼寓僧寺讀書時邑中名宿為文社公方十齡乞預眾輕其少也姑諾之日未晡文成而壓其座繇是知名後結五子社得奇句相激賞以自樂是科春鄉秋會四月登賢書冒暑計偕北上中道得疾旋里卒時馬觀察維翰宦京邸日望公至適卧病聞訃一慟幾絕作詩哭之使天假之年以畢其志所造豈易量哉著翰沙詩鈔采入兩浙輶軒錄

采蓮曲

小姑十五學采蓮○凌波一葉輕於仙○冰綃淺束袖半卷○綠玉盤漾鮫珠圓○低頭盪槳默無語○暫住塘坳風緩處○

文會堂詩金 卷四
前邊蓮子一叢叢。恐散鴛鴦不敢去。

送馬十七墨麟北上

與君結契龍與雲。愛君風骨能超羣。東西南北去相逐。
回看薄俗徒紛紛。十年海國挽桃菊。芙蓉鏘淬光如刷。
五色蠻牋風雨馳。壁上諸侯都氣慴。有時藏鉤還賭酒。
鷓鴣一飲曾何有。毳毼合沓樺燭明。蔗竿幾折君家手。
君才跌宕良不羈。靈蛇獨握欲誰遺。菰蘆三載憐同病。
毳毼窮途泣數奇。胥江一夜蛟吹雨。雲雷儻忽凌空去。
大羅暗記蕊珠名。古柳行聞彈指語。西窗翦燭意茫然。
祖帳河橋別緒牽。上林春色遲行笈。蹀躞驕驪迸似煙。

讀書無成
反不如別闕
門徑雖係憤
激之詞却有
至理
近來翰林諫
臺諸公爭畧外
任豈不知外任
之難蓋古安
來貴難久任耳

噫吁噫丈夫垂翅十手指刺促不為鄉里齒吾將學劍
去從軍腰橫鸚鵡騰青紫櫓槍一掃西北塵歸來討笑
毛錐子不然躬耕先人負郭田灌園治產差為賢阿堵
亦足增意氣豈似破研長無年此語當非感迤邐君不
見蘭省諸公釜無餐朝朝索米住長安

寄弔蘇小墓 并序

蘇小墓向聞在郡城嘉興縣南徐凝詩云只有
縣前蘇小墓無人送與紙錢來指此而李賀蘇
小墓詩則有西陵下之語今西泠橋畔有冢纍
然人共指為蘇娘墓至張邦畿記馬標事又謂

在錢唐公宇後不幾同阿瞞疑冢耶余謂馬禰
事是好事者爲之公宇後何得有章臺人永宅
賀所指西陵則承梁武詩而誤耳梁武小小歌
云妾乘油壁車郎躍青驄馬何處結同心西陵
松柏下味上二語知非指墓所言矣賀早卒錦
囊中物不盡得之身歷因有草茵松蓋等語徐
凝曾遊浙西其言當不妄耳然前歲余與墨麟
訪之不得轉疑賀言或更有據今年冬仲叔寓
禾城貽一札報余云已得蘇小墓於豔志作賢倡
巷之西南隅且繫以詩余啟視狂喜轉恨前度

劉郎何雲迷往路而後來者反得之耶則於蘇
娘又不能無隱憾焉嗟乎紅顏黃土千古傷心
藉非我輩鍾情表而出之彼斷釵餘襖誰復顧
而問者因作長句卻寄丐仲叔爲我茶毘墓側
并買紙錢一束贈之蘇娘有知呼之欲出也

流光慣把燕支誤雲飛雨散憑誰訴幽蘭啼露自年年
豔倡巷閉蘇娘墓蘇娘昔日錦屏人容華嫵媚芙蓉妒
夾街柳暗縮青驄珊枕香溫曉復暮一朝紫玉飛作煙
燕子樓空散香霧楊花瞥眼挽回春風吹斷相思路
鈿車金盃杳難逢烟花疑翦西陵雨豈知我輩故鍾情

相尋迤邐追前度。裊腰芳草晚離離。終教認破香埋處。
南縣橋邊黯獨傷。銷魂重著招魂句。空城月落參橫斜。
風鬟霧髻依稀遇。黃土沈煙知幾人。蘇娘三尺畱還住。
豔語傳來動客情。紅顏簿應添新註。倩君更買拋青春。
一杯澆向棠梨樹。

秋懷

避迹依然類隱淪。幾多心事寄絲繡。骨緣少媚難諧俗。
富但多文不庇身。有尾賸憐桐受爨。無媒誰問桂爲薪。
滄浪漁父如招我。便與誅茅結比鄰。

莫從唐舉定升沈。靜裏偏於觀物深。有露葵良饒好味。

無絃琴卻聽遺音。螿含殺意多。依葉鶴少。機心自在林。
壘塊縱然消已盡。還須呼酒更孤斟。

門前柳老不供螭。薄有寒生正寂寥。雲氣月分華似綺。
雨聲風送急如潮。詩因勁敵妨安枕。菊爲扶枝費折腰。
情景如斯端不惡。何須重問鄭人蕉。

敗絮何心笑賣柑。篔簹半畝足茅菴。求人真似山難撼。
避俗深於湯欲探。潭看影空生靜趣。夢當梁熟得微參。
從知佳境多無定。敢怨年來蔗未甘。

答墨麟見懷

馬卿跣跡住俯浦。氣骨昂藏少媚嫵。揮毫著紙雲煙飛。

坐使旁人色如土。我亦頗不合時宜。三都欲出罵僮父。
一朝見君似見眼中釘。豪氣相吞肯媿沮。淬精列幟騁
詞鋒。叱咤風雲誓破釜。絳繒夜走卽墨牛。屋櫺瓦震武
安鼓。忽然撤壘介鴻溝。歸來寫入金蘭簿。金蘭簿六年
膠漆無舛午。世人謠詠憎蛾眉。含沙射影爭吹蠱。不知
我輩歌有思。哭有懷。豈傍騷壇立門戶。君詩新寄赫蹏
來。展讀渾如擘麩脯。有才不惜倒篋傾。無乃益起世齋
怒。停君青鏤之寶管。緘君圖書之秘府。聽我覩縷良非
楛。丈夫之志在四方。鍊石會須爲天補。不然走向嵩之
坳。磨取幞中修月斧。天如圓蓋月如盈。畱教姓氏照干

慷慨悲歌草

意恣肆

寔下半生但弄

筆墨所誤不淺

少壯不立志徒

慙老大已無及

矣

男兒胸懷當如

古君不見魯仲連抵掌邯鄲卻秦侮又不見祖士雅怵
慨聞雞夜起舞古人所重在立功雕蟲篆刻等畫虎何
爲乎鳳唳爲鄰松滋爲賓窗下呻吟學老楚餽噉糟粕
良非佳吾方欲洗吾臟腑作詩聊當言志書遣奴走寄
馬君所日月逝矣年復年少壯有加真當努與君直上
泰嶽巔頭放眼看莫向東山但小魯

哭夢齋叔六十韻

嗚呼大阮沒彈指倏以久華屋感生存寸腸日牽揉聊
攄蕪穢詞寫此中悞慟緊余夙譴劣杜迹宮一畝側聞
眾口訾有叔癡曰某奇服幼自好齟齬寡曹偶余亦莫

置喙曰唯唯否否瓜瓞纔十葉嗙未望塵後泊乎乙未
春下帷南山阜眉宇快披雲指數首屈搨談塵霏玉屑
射謎窮齋曰典墳心胷羅舉十輒得九既能晰毫芒亦
復貫樞紐書窗藝圃間風雨挾我走招邀陳敦槃雞壇
揖素友墨兵騁較轆造化失肩膊拍肩陶謝沈李杜韓
韋柳賸唾恥撫拾健筆自抖擻餘子何碌碌泰嶽俯培
塿有時事帖括恢恢剗無厚矯若雲天鶴爽若晶盤藕
老儒驚睞眙舌咋私慝怩黃鐘瘖不鳴喧豗競瓦缶便
爾掉頭出擺脫等做帚解嘲聊跌宕養貞安雌守坐隱
楸枰間剝啄希橘叟方圓動若神橫縱恣踐蹂坐使強

敵窮束縛如受枉。雅性更愛酒。一傾輒五斗。平原十日
飲。畱連忘子丑。得間謀遁逃。欲起數被肘。顧笑余公榮。
量小不足糾。乃復射覆招。握拳甘相誘。得雋忽大噉。拊
掌驚厨婦。前年遊東山。苦吟足不朽。俯鑒澄潭淨。仰眺
石壁陲。排雲叫閶闔。清嘯薄林藪。倏爾撫孤松。欻歔還
俯首。清淚落天風。模糊黏兩手。歌泣忽無端。哀果何
有。徐聆長須言。何事豐其蔀。古云憂傷人。毋乃恐弗壽。
亦聞愛君者。將叔戒無狃。君聞喟息言。誰能長者壽。
寄本疣懸。委形任芻狗。黃雞催晨昏。白日變朏朐。局蹐
天地間。有似魚在笱。逝既羲御馳。月落色昏黝。荏苒牀

第間竟爾離塵垢。顧茲易箚時。評論不曾苟。笑訾夢得句。謂足供吐嘔。臨終訾夢得空懷濟世安民畧句爲英雄氣短曠哉此襟期。誰能測所負。周遭素帳垂。喪柩應牛吼。嗟余違俗尙。跋扈輒得咎。聽易棘蠅疑。行或晉葵曠。君如九方舉。賞不泥牝牡。周旋垂五載。投報愧瓊玖。悠悠慘莫招。蒼蒼邈難叩。余欲遡高風。奚啻自其口。畧鉞平生歡。感泣記如在。

閨詞

酴醿小院殿春開。日午風輕蛺蝶來。斜倚雕闌閒處看。就中憐殺祝英臺。

晝靜無聊下玉階。榜分鶯粟記牙牌。惱他觸手爭零落。

花瓣遮將金鳳鞵

雙鳳檀槽促復彈
梁州翻罷淚闌干
離愁一段憑誰畫

落日蒼茫半竹竿

輕寒薄薄掠春衫
寫罷迴文詩自緘
怪殺呢喃雙燕子

尺書未解為儂銜

翼齋公小傳

公諱起元字丹崖號翼齋東溪公支十七世孫庠生
遷祖勉軒公墓在陳灣山居民侵佔墓址并鑿石覓
利有傷山脈公訪實率族眾鳴官禁止建文公祠於
麓而以勉軒公主祔焉增置祭田蒸嘗無缺詩刻入
崧南集以子正蒙官 敕贈文
林郎山東泰安府平陰縣知縣

祝邵梧翁師臺七十壽

閨添采綫屋添籌。齒並耆英綠野儔。似鍊癯形堪肖鶴。
如飛健足不扶鳩。重門陰徧栽桃李。一顧聲增重驥駟。
自是巖灘多列宿。錦函應下鳳池頭。

懷白公小傳

公諱世戾字士可號懷白三峯公支十八世孫專心
帖括矢口成章動協聲律工染翰鍾王碑搨心摹手
追神與古會中年病廢僅以兩指執筆成字終日兀
坐吟詩遺橐束如牛鬻皆斷紙零幘塗抹漫漶半藏
公之外孫鄭茂才得劔舁銘處鄭君分贈
一册摘其尤者於左馬臯詩鈔亦選入焉

送錢載安之江右

冒暑西江去。臨歧無限情。未曾經遠別。先擬問歸程。
鬱熱今方熾。關河不易行。峯頭秋雁落。何處寄離聲。

半退吟

世事擾人生。如膚患瘡疥。心地苟清閒。此境真瀟灑。靜
坐慕太虛。純白無機械。古書案上堆。素琴壁間挂。一人
肩三世。未了百年債。親戚或過從。與之共情話。能令役
役者。聞之亦彌快。朝夕耽吟哦。不辭年已邁。孰玩悟真
篇。四體何慮憊。身退學日進。千古名不壞。

再生

俯仰滋慙愧。蹉跎四十春。那堪垂死病。幸作再生人。名
利渾無意。乾坤尙有身。何如釣魚去。伴侶結元真。

邨居夏日用放翁韻

何樂如之

文會堂詩金 卷四
鷗夢灘頭第一家門垂碧柳帶溪斜無多屋宇還畱燕
極小池塘儘屬鼉暑氣不侵當戶竹香風時送隔離花
于于睡醒渾無事解意山童爲煮茶

淡井

屈指吾鄉井千秋淡獨傳氣清通地脈味好勝山泉釀
酒宜桑落烹茶試雨前水經如續註收拾到遺篇

寄懷方白山

佳句時時誦相思谷水邊故人難一面詩債負三年葉
暗深春樹雲停欲暮天扁舟何日訪桂櫂破溪烟

讀錢觀察菊花詩次韻

久矣辭軒冕東籬作主人
宦情花共淡詩格老彌真
勁節偏宜冷羣芳莫與鄰
曲高誰得和元亮可同論

閨怨

鬢髮飛蓬似雙眉
蹙遠山朝來羞對鏡
不是舊容顏

題懷永堂詩選



市隱耽吟世罕聞
騷壇今古孰為羣
算來梅里周郎後
蘊藉風流又屬君

南棧公小傳



公諱大勳字巽峯號南棧三峯公支十八世孫乾隆
辛未南巡公以諸生獻賦受賞中丞丞公聘修

幸浙盛典癸酉科拔貢生甲戌朝考二等選壽
昌縣教諭庚辰恩科舉人適秩滿大吏列薦贖

詔以知縣用需次都門貧甚為風雪所迫卒京寓病
 革曰死生貧賤俱不介意兒子成敗亦聽之惟不能
 事母以終天年為罪人耳蓋公本少孤賴太夫六教
 以成立素性至孝故沈文恪公哭以詩云童稚亦知
 朱孝子春風傳徧小蘭亭亭在壽昌蓋紀實也當公
 泄任時顧東南一峯甚高問何名曰巽峯歎曰吾官
 其止是乎竟成讖云詩選
 馬嗥詩鈔續構李詩繫

雪夜宿愛補草堂次梅籒姪韻

千山雪縞水猶綠放舟徧是銀裝屋破凍衝寒來訪君
 我癡未改應愧叔時當薄暮天未明雪飄簾外微有聲
 舉頭話舊推窗看瓊花落地堆縱橫憶昔樽前同握手
 相期軒翥非雌守花事詩情興未闕夜深猶飲東家酒
 襟懷浩氣古今空焉知世復有豪雄句就常驚落牛斗

筆尖直欲排華嵩。凌雲壯志憑誰訴。歲華反爲殘書誤。
萍散花飄年復年。參商難共青燈侶。竹林晤對情如海。
愁思惹亂車難載。自憐兩鬢漸蒼然。筠操豈爲冰霜改。
獨感催歸歲杪天。對牀不久枕書眠。聞君白雪歌相贈。
傷余離別歎長年。明朝鼓柁秦溪裏。去去莫忘寄雙鯉。
回頭一望悲風起。

辛巳春計偕入都途中與陸卽仙聯轡旣而下第
南歸卽仙賦詩贈別次韻答之

水郭山邨柳色新。悠悠車騎逐飛塵。將尋日下看花侶。
忽遇雲間入洛人。攬轡澄清心共許。對牀風雨夜相親。

那堪康了空歸去。席帽疲驢易水濱。

貞女張樹蘭詩

海燕堂前飛朝出。求偶暮同歸。塞雁蘆中伏。昨悲失偶
今獨宿。蘆中獨宿勿詫奇。分飛猶是中道離。卓哉貞女
良罕匹。郎君未覩心不移。鵲橋影斷銀河涸。啼鵲夜夜
傍妝閣。入門抱主哭何哀。架上明花慘將落。落花開
年復年。鏡臺空掩帷空舉。立孤事了願已畢。仰天一笑
歸黃泉。黃泉有路欣然入。郎君得睹淚重溼。貞心自足
垂千秋。臨風慨歎猶嗚咽。吁嗟乎君不見。牆頭雙燕掠
春陰。東家織素西家紉。秋風雁叫嗟誰識。何況熒熒貞

女心

秋夜七里灘聞漁歌二首

籟靜灘流迴。漁歌起夜分。數聲驚客夢。一葉冷江雲。艣
曳波生縠。風高雁失羣。滄浪遺調古。此夕幾回聞。
旅夜涼侵夢。何人倚櫂歌。孤燈紫月淡。短笛趁風和。浦
遠寒煙積。山空落葉多。颯然秋思滿。記取暮帆過。

早春苦雨

傷春況是逢春雨。春酒春盤枉一時。二十四番風過半。
閉門還作去年詩。

絕澗寒梅卧澗寒。冷花合倩冷官看。卻愁好事偏多阻。

寂寞空山影自殘

秩滿赴都畱別壽昌諸生

六年講席愧難任。晨夕相過得素心。細雨簷花吹夢杳。
清風朗月寄情深。松岡寒助高齋迥。艾水春歸畧約尋。
佳景流連羣雅集。從今都向別懷樹。

風雅名區自昔傳。讀書古洞記當年。重吟去雁離人句。
忽在孤帆落照邊。欣賞何時忘舊雨。典型相望有高賢。
之江一水東西隔。又別家山上客船。

旋束經裝逐計車。先秋準擬泛星槎。文壇敢信能穿葉。
官舍將來學種花。心憶嚴灘畱晚釣。眼看梅嶺送歸雅。

自慙經世無長策，卻謝溪山聽早衙。

雨宵學舍坐談經，短燭搖光上畫屏。三益頻邀親埽徑，

一甌相對淡忘形。文章看徧臨風錦，臺閣長懸照夜星。

但聽鳴珂喧邑里，十分春在小蘭亭。

眉洲公小傳



公諱維魚，字牧人，號眉洲。廷瑞公支十八世孫，附監生。父望亭，公諱以誠，雍正乙卯科舉人。乾隆丁巳恩科進士，知福建漳浦縣。時張崑蔡懷為亂，公窮治之，被刺卒。詳郡邑志。名宦傳：公為廉吏，後家無長物。十一試有司，不得志，蹇驢敝裘，相羊於雍豫燕趙間，以寫磊落英多之概，自言骨相不媚，性復疎懶，故終無所合。孫郡守景燧，梓其驢背，易水邨峻南鼓缶四集，行世。采入湖海詩傳、兩浙輶軒錄。

行路難

節君追風之駿馬。珊瑚金錯之寶鞭。九折五離之繡絡。
卍字雙勝之錦韉。黃雲蔽野。層冰塞川。遠道如此。那可
度。攬轡四顧。心茫然。行路難兮。行路難。連騎兮。結駟不
若。徒步安。願辭楚相。爲人灌園。於陵仲子。迺可與言行
路難。

折楊柳

青青楊柳樹。長條復短條。長條拂去馬。短條垂板橋。
妾意如柳絲。郎行如飛絮。柳絲春正長。飛絮落何處。

孝丐行

涿州有乞食養母者。不知其姓氏。皆呼爲傻三兒。余嘗見之。爲作孝丐行。

六年蠶足漁陽道。獵獵風沙颭秋草。忽有人兮呼癸庚。

拍手攔街堪絕倒。問答復自拙言辭。但云有母常啼飢。
負薪乞食能爲養。殘楮贖炙甘如飴。縱曰椎牛志不足。
敢使親同犬馬畜。婉容愉色盡其歡。奚慙飲水與啜菽。
英雄自古歎迤邐。類皆有託而逃焉。不爾餓死填溝壑。
賣漿博戲差爲賢。吹簫人已去吳市。擊筑歌隨淪易水。
一回憑弔一惘然。丐者得無乃類是。居庸關外來悲風。
摘星陀卷愁雲空。酒徒散盡慷以慨。錢刀袞袞塵寰中。

大梁懷古

浙

七國兵戈盡已墟。卻秦救趙事何如。魏王宮觀浮雲改。
公子英風歷劫餘。秋草極天人撫劍。夕陽明市客登車。

祇今來往夷門道。猶式當年隱士閭。

洛陽懷古

跨嶽超河作帝宸。漢家都邑氣嶙峋。自從金虎蟠宮禁。會見銅駝卧莽榛。王衍清譚終誤國。范滂黨錮更何人。祇餘桃李城東路。歲歲花開上苑春。

演禽言

邨居曉起鳥聲聒耳因憶向來所聞禽言有類人語者漫演小詩八章聊以破除長

日遠不逮梅都官楊鐵崖諸作也錄七首

姑惡姑惡誰可訴。背泣向夫壻。夫壻難調護。小姑語阿母。阿母聞之椎牀怒。

提款蘆市上沽。十五酒家女。春日正當壚。不求結羅裙。

不求鱸鯉魚。請爲鼓隴胡。百年風月傾幾壺。

婆餅焦兒又牽衣號。丈夫何在醉醅醕。君家婦難做。井
白要親操。門戶支持我獨勞。

泥滑滑。春天路難越。一步一蹶。杏花雨過。桃花水發。多
陰少晴。又是黃梅月。泥滑滑。底事奔波無休歇。

割麥插禾時。易蹉跎。不愁暑雨多。只患地瀕河。雨多但
漂麥。河決田廬淪白波。

不如歸去。不如歸去。青泥盤雲霧。黃牛見朝暮。蜀道之
難人不敢度。不如歸去。

行不得哥哥。哥哥南山卧猛獸。西江窟龍鼉。不行猶自可。將

行柰若何手無長劍能斬蛇懷有白璧難渡河披髮狂
走那得過

太平鼓引

鼓以金為輪蒙以高駒麗紙有柄貫金環數枚且擊且搖蓋始於巫覡迎神也

堯幽囚舜野死二女從之墮湘水湘纍問天天不語石
為裂兮迸秋雨竹生斑兮泣杜宇洞庭翻蛟龍蒼梧嗥
豺虎棘地荆天天乃怒遣巫咸而下招吹鳳笙兮鸞箭
浩倡兮擊鼓目傲悅兮心鬱陶辛夷車兮翠羽帝子降
兮北渚陳蕙蒸兮奠桂醕神靈雜遝兮雷雨碎訇闐闐
誅蕩兮日月光晶五風十雨百寶生瑤樞夜朗泰階平

響盞歌

京城暑月鑿冰和餹水擔頭賣之手持兩銅盞相切作聲為號名曰響盞

渴不飲貪泉水行不憩惡木枝道路暍死誰知之玉壺
貯自藐姑射沃以瓊漿甘似液一吸雙清我心迹胡爲
觸熱來人家朝馳怒馬夕乘高車炙手之勢都吁嗟秦
山自依倚不道冰山化爲水銅蓋響琤琤擔向長安市
酌與今時襍穢子

潑水謠

道多灰土街卒
日汲水潑之

城下狸尾綏綏朝蔥肆夕金闈入吹角出鼓鼙龍幌搖
搖廣柳車倏見相送從元廬步郭門望原野颯颯悲風
響梧檟昨日乘車驅駟馬行者趨避騎者下腰間有縣
牌自朝至暮潑水長安街轆轤轉井上呵殿又聞丞相

來車裊誰許污織埃薄笨鞦韆城東路持扇障面不遑
顧牛喘鞭越仆我欲言之丞相怒

縫窮怨

京師婦女貧者攜針帶來旅店爲客縫綴人呼爲縫窮婆

妾本長安小家女短鬢鬢鬆梳不起雖然學得刺繡文
猶自含羞市門倚野花斜並銀釵芳手卷素袖提履箱
攬取客衣爲補綻停鍼不語心煩傷不羨盧家少婦鬱
金香以蘭爲室桂爲堂不羨河間姹女錢工數黃梁春
下擊縣鼓但願夫婿似羅敷白晷盈盈步公府不信紅
顏命皆苦吁嗟十指禿如椎終朝未飽藜藿糜得錢且
哺懷中兒

聽旗卒話征伊犁事

擒王直欲盡流沙。兔走烏飛日月賒。瀚海天低雲作浪。

春山樹少雪爲花。一軍茶火分回部。回有紅白二種自爲部落萬里

蒲梢入漢家。絕域烽煙生亦死。漸忘清淚落悲笳。

執銳披堅老戰場。天邊忽見掃欃槍。雕弧自偃三秋月。

羽檄還飛五夜霜。西極山川新鳳紀。北江珠玉識龍光。

伊犁大江爲天下北江多產珠寶 征人磧裏猶疑夢。豈料今生返故鄉。

棧道歌送葛孝廉煥之漢中錢觀察署

謫仙歌蜀道難於上青天。傳聞四萬八千歲。乃有梯棧

相鉤連。畏途巉巖那可度。畱君掉頭不我顧。秋風蕭蕭

愁殺人送君匹馬南山路。燕臺相見轉相親。關河邈迤
同蒲輪。蹇裳曾涉河壩雨。撲面還緇京洛塵。惠好車中
閒問訊。苦憶高堂皤兩鬢。本思祿養謁選曹。豈料放歸
仍旅進。故人幸已乘軒車。擔簦不改雞盟初。昔日登堂
爲拜紀。今宵縣榻專延徐。酒閒示我魚書寄。尺素跪讀
加餐字。代謀甘旨奉庭幃。如此交情真寡二。白閣雨連
黃閣多。武亭川急生寒波。憐君曼胡衣短後。勸君更酌
金叵羅。晨風古柳吹殘夢。烏道橫雲入飛鞞。落日停鞭
賣酒樓。寶雞縣唐宋來屢經兵火此樓獨存憑闌回望讀書洞。永壽縣韓桐讀書處
裛斜谷裏經幾程。盍簪鈴閣歡平生。漢江試聽東流水。

愁似西窗秋雨聲

潼關

虎視龍興踞上游，洞開四扇俯神州。
西來翠巖三峰色，東去河兼八水流。
赤帝偏能降軹道，青嬴底事出延秋。
唐陵漢闕俱黃土，獨賸秦時月照愁。

咸陽懷古

夕陽流泉秋瑟瑟，偶來攬古情偏逸。
河接黃雲一色淨，翠橫碧落三峯出。
王基初造鑿渾沌，華夏歷今盛文物。
白旄麾處埽腥聞，秬鬯錫時明齋祓。
未央宮成敕置酒，伐鼓撻金驚隴右。
大酺十日賜臣民，萬歲三呼觴我后。

山川滿目悲填胸。得雞失鹿將毋同。鎬京豐京樹殘碣。
皇澗過澗乾西風。何況柏梁高宴歇。阿閣重樓煙草沒。
磨劍公然上茂陵。惟有銅仙泣漢月。

看送定邊將軍印綬歌

采旄畫戟森前列。案覆黃羅表如蔕。綬何若若印纍纍。
雙騎負趨電光掣。想從三殿初頒時。欽哉

天子重嗟咨。異類豈容漏仁網。妖氛誓埽安邊陲。記昔
誰能佩此印。前有衛青後去病。瀾翻青海旌旆揚。風吼
陰山笳鼓競。不知草檄者何人。人才堪倚馬。枚皋倫磨盾。
淋漓墨瀋飛。斯時斯印如有神。又聞樓船蔽江下。燧燔

風舉牂牁赭。闌干賓布歲頻輸。降表巴牋看親寫。竹郎
祠外春娟娟。康居棘裔銷戈鋌。斗檢封停幾時日。調符
又識朱文鑄。忽逢鼉怒螳撐臂。似燕巢幕魚游沸。一朝
縮出眾皆驚。回望草木疑兵氣。丈夫何不覓封侯。手提
螭紐驅羣酋。偏與齷齪豎儒伍。終身行歎復坐愁。渭橋
目送征人滅。馬蹏已蹴層冰裂。問讀霍光傳。未曾是何
年少風流絕。

圖經載唐人馬嵬驛詩。率多微詞。余謂不然。明皇
怠荒於政。所以召漁陽鼙鼓。豈獨女戎當馬嵬軍。
譁非感郭從謹之諫。罪已誓師。未必其慷慨從王。

也楊妃見縊雖脅於陳元禮寶由明皇悔禍而少
恩然則妃之死亦冤矣哉爲詩弔之

開寶姦臣楊與李股掌之上玩天子豬龍竟致弄潢池
滅火豈皆因禍水延秋宵遁馳乘輿悔不早殺幽州雛
回顧遺孽猶在側始憶金鑒真忠謨君心感悟雖天幸
環上羅衣嗟太猛恩逐春波清渭流魂歸夜月梨花冷
薄倖從來說漢皇召回金屋仍專房猶恨來遲望甲帳
冑教仙去空昭陽星前枉自憑肩語誓死誓生指牛女
坐視花容化作塵那知錦襪落誰處

江峯公小傳

公諱崧字膏春號江峯東溪公支十八世孫廩生性
落拓以經術訓士不治生產雖晨炊不舉而嘯歌自
若詳郡志文苑傳著江
峯詩鈔選入馬嘯詩鈔

煮新茶

夙慮閒中滌新茶焙後煎鳥聲呼夢覺月色對窗圓
雷
客家風在敲詩雅意聯涼颺吹滿院一縷裊鑪煙

訪樵李城故址

川平地闊雨茫茫夾岸蕭疎蘆荻長立石已無吳越界
廢城徒問水雲鄉秋風樹弔孤亭古夜月烏啼野戍荒
勝負祇如棋一局到今誰爲辨興亡

青樵公小傳

公諱正蒙字育泉號青樵東溪公支十八世孫廩貢
生侯選訓導乾隆庚寅恩科順天舉人山東平陰
縣知縣東省頻年旱歉民不聊生公籌畫賑濟事宜
活者甚眾時教匪滋事公拏獲數犯憐其愚民受煽
悉心化導風俗一變卓異入覲還途次染疾至署
卒時宦橐蕭然士民追思遺德賻贈千金子光昭御
之士民以金建朱公祠焉蕭州判應槐贈詩一卷以
孫右賢官馳贈奉直大夫貴州大定府威寧州知
州

登金山



直踏金鼇背巍然萬仞峯寺留江上古山憶夢中逢

三年

前曾夢遊其處塔峻秋盤鶴濤奔夜吼龍顛仙渺何處天半數

聲鐘

眼界真空闊登高四望平潮通瓜步水山抱潤州城帆

席衝煙直。人家隔樹明。夕陽歸棹晚。回首不勝情。

岳鄂王墓

官

下詔班師返浙東。英雄失路恨無窮。奸臣祇恐撓和議。
孱主何從鑒苦衷。毒手造成三字獄。傷心徒費十年功。
而今多少悲涼意。盡在棲霞落照中。

登六和塔觀潮

捲地北風起。天邊湧雪濤。帆乘千里疾。塔倚半峯高。霸
業已消歇。江聲空怒號。吳山與越水。回首重蕭騷。

于忠肅公祠

蒼龍失馭勢倉黃。決策從容定廟廊。卽位直同靈武舊。

回鑿不痛靖康亡。獄成兩字甘刀鑊。身繫三朝惜棟梁。
未幾羣奸誅竄繼。誰言天道竟茫茫。
荒祠寥落暮煙平。讀罷殘碑無限情。門外湖光空澹沱。
山前草色自縱橫。黃龍戍遠增悲思。白馬江流作怒聲。
一樣孤忠公較幸。英雄雖死大功成。

南厓公小傳



公諱焜字南諧號南厓龍溪公支十八世孫庠生少
孤多病人侮之絕不與校宗譜久不輯嘉慶辛未公
七次重修之家有園名一徑繞軒有借漱亭浣筆池
為前明陳則梁先生故居公遊憩其間植竹栽花詩
酒自娛善醫卜精地理然虛
心不以自炫壽八十有三

竹

雨過不侵暑。無月停琴竹。埽卻數斗塵。便是畱客處。

明妃出塞

雁門遠去朔風寒。嬾向妝臺對鏡鸞。馬上四絃愁處亂。
君前雙淚暗中彈。黃昏頻入歸鄉夢。紫塞常悲行路難。
青草依然畱古冢。關山東望雪漫漫。

秋夜

雲破天開月。蘆花起暮風。草枯寒蟋蟀。秋老脫梧桐。兩
鬢飛霜白。雙鞵踏葉紅。炎涼何處轉。盡在笛聲中。

白牡丹

本是富貴花。富貴非我愛。善體主人心。不作富貴態。

赤壁

七星壇上助雄風。螭舫鯨波一派紅。記得昨宵詩竟後。
連環計已落江東。

孟浩然夜歸鹿門

空江回短艇。遠向鹿門歸。老樹投烏靜。秋風送客微。濃
霜欺兩鬢。夜露溼單衣。野黑迷桑里。林昏認竹扉。僧鐘
聞古寺。漁火落寒磯。松影疑人影。雲飛悞雁飛。舊園曾
記否。荒徑覺全非。帆挂還如駛。鱸香想正肥。更沈新月
淡。別久故人稀。遊子嗟行役。鄰雞報早暉。前邨山半缺。
小屋柳重圍。琴榻空懸壁。相逢話闊違。

晴嵐公小傳

公諱光瑄字蓉湖號晴嵐龍沙公支十八世孫乾隆甲辰歲貢生於潛縣訓導公與先祖贈公生同年月日而時較先故先祖以兄事之端謹慎默不苟言笑支祖愛蘭公祠久圯公鳩工重建秉鐸後課士以經術引疾歸含飴弄孫詩酒自娛助後進以讀書砥行人咸感之重遊泮宮詳郡志文苑傳著健初詩鈔

垂老四首



垂老回頭看方知閱歷艱閉門常抱膝媚世覺無顏地

僻經過少家貧禮數刪簞瓢真可樂祇以取安閒

垂老關心久蕭然悟夙因一經畱課子萬事怕求人笑

蝶貪花性憐蛾赴火身傳家餘業在耕鑿太平民

垂老功名淡休言世莫知愁來如中酒興到便題詩温

飽原非志。神仙詎可期。此生祇守分。飲啄且隨時。
垂老家無累。妻賢子不驕。兩孫嘻繞膝。三世話通宵。笑
對燈花爆。晴宜燕語嬌。往來知己少。只合伴漁樵。

古意

士不食舊德。農不服先疇。世事盡若此。滔滔隨波流。海
棠爭妖豔。蘭蕙競芬芳。松柏有本性。凌冬色蒼蒼。願受
室人謫。毋使路人惜。男兒重意氣。素心終不易。好作見
面歡。巧作背面詆。贈言莫浪遊。守卻破釜底。

犀觥歌

并序

韓子理黃余姑子也。少孤性落拓。善書畫。好交

遊父介石先生以名進士宰山左濰縣解組後
清風兩袖日與後進講學論文生計不問也至
理黃家益蹙故居函風堂已屬他姓倘嘗艱苦
戊午冬余六十初度以犀觥爲壽越三年而卒
偶對此觥不勝人琴之感因作歌以誌痛

韓子贈我犀角杯。蚪龍四周蟠紆迴。形如葵花心向日。
中飛蛺蝶穿花胎。爾雅釋犀爲象類。兕乃牛屬作酒器。
饗以明酒酌彼觥。躋堂介壽見古誼。相聞前明萬歷年。
巧者周姓善雕鐫。以犀作杯潤而澤。嘉名肇錫載花船。
此觥傳自山左得。韓公神明邦司直。平壽作宰數十秋。

煦嫗及民民頌德民以此觥貽韓公韓公飲此酡顏紅
 吾今摩挲日幾徧追蹤古哲懷遺風觥乎觥乎日傾新
 釀酒銀槎馬腦成三友家藏沈太常貫月槎銀栝及馬腦栝一歌一酌盡
 一斗醉鄉能容我老否徘徊展玩不釋手寶之私幸為
 已有贈者已死我偏後頽然獨醉苦無偶人壽幾何那
 及物之壽傳示子孫世世其永久

鴛湖曲

鴛鴦宿秋水見人忽驚起驚起仍雙飛只在鴛湖裏

題張南廬摹東坡拓窗看浪圖

學蘇酷似真蘇筆想見臨摹得意時拓起西窗看妙景

拍天巨浪畫中詩

初至於潛

官

乍入於潛境。扁舟泊藻溪。亂山環小邑。壘石築長堤。地僻相知寡。林深落照低。坡公遺迹在。珍重昔賢題。俗儉衣冠古。風淳禮數寬。菲材初學製。承乏試為官。此席原知冷。茲山亦壯觀。夙聞天目勝。攜杖躡層巒。

先祖竹友府君小傳

先祖諱星煒字垂青號竹友龍沙公支十八世孫附貢生嘗發憤攻苦暑月讀書帳中有文名先曾祖患臚脹先祖露禱刲股和藥療之先曾祖嘗均推已產與弟弟早卒撫遺腹姪成立先祖善視之親歿不衰先曾祖歿時會本生高祖塋有日先祖哀毀骨立屆期躬營窆窆又數年塋考妣俱置產歲祀乾隆丙申

以六世庶祖母陸高祖妣後封一品夫人劉均守節
數十年為請旌焉嘉慶己卯詔直省舉報孝行
夫吏首列先祖名傳載國史道光戊子崇祀孝弟
祠詳郡志孝友傳以孫昌頤官馳贈朝議大夫吏
科給事中孫男美鏐謹識

鴛湖櫂歌 并序

竹垞太史鴛鴦湖櫂歌一百首專詠土風蓋旅

食潞河懷歸之作也學博詞高莫可比蹤乃依

四時節次敘湖上景物作十二首咫尺聞管見無

當大雅聊以備榜人之歌云爾

鴛鴦湖伴估客多鴛鴦湖裏峭帆過一夜春風度湖水

鴛鴦對對浴春波

近水陂塘曲曲斜。青桑不種種青麻。土人偏愛徐園李。
護惜春風一兩花。

十三寺外又曹王。三月風光興欲狂。一葉輕帆向何處。
遊人先過百花莊。

絡絲車響燕雛飛。柳絮風翻豆莢肥。尚有濃香蒸曉露。
花花開徧野薔薇。

五月榴花發舊枝。黃梅初熟晝陰遲。家家學繡翻新樣。
纏臂還添續命絲。

百頃湖光一鏡平。蓮花月映最分明。阿儂覓得同心藕。
種向湖中到處生。

范蠡祠旁秋月升。范蠡湖邊秋水澄。勸郎莫結千絲網。
勸郎須種雙角菱。

涼風飄拂桂香幽。畫舫憑闌豁遠眸。攜得一壺醉明月。
吟懷占盡月波樓。

飲露餐英學楚騷。九秋風味欲題餽。禾興百里平於掌。
祇有瓶山數尺高。

煙雨樓頭得得來。裴休島外挂帆回。菱花落後荷花老。
又見芙蓉四面開。

紫螯黃雀數江鄉。收得香秔十里香。正是太平風景好。
夕陽扶醉滿橫塘。

曲柄黃壺當酒船。張銅鑪好暖於脰。湖天探得春消息。

近在梅梢雪月邊。

官

悼亡

先祖妣孫太恭人嘉興籍康熙癸未傳臚頭等侍衛諱江公孫女贈修職郎諱綸公女

孫男美 鏐謹識

淨土蓮含夜月清。由來佛說最分明。西遊借得扁舟渡。

擢入芙蓉處處生。

五

一門友壻命偏殊。獨羨仙翁葛子居。歸語團圓真樂事。

雙棲雙宿夢何如。

余與沈帶湖吏部葛夏宜明經皆孫氏壻帶湖以早傷錦瑟深羨夏宜有

雙宿雙棲過一生之句余嘗與孺人述之

柰何江上蓮花發。般若船中五色迷。衣食自然長富貴。

旌幢凝望白雲西

秀巖公小傳

公諱蘭修字湘晚號秀巖廷珍公支十八世孫廩生
 年十三隨父東銘公宦湖北俸薄無記室繕寫呈上
 皆出其手字得歐陽率更法大府聞而才之所交皆
 一時冠冕座客常滿公亦竊以孔北海自比讀書必
 加丹黃尤邃荀虞之學倡西溪社社多名流人以比
 鄉先輩之曾經集云四試有司不售以未成名故不
 娶卒年三十二
 主擬耐崇雅祠

嘉禾即景

浮煙細雨一時多
 橋上春光橋下波
 最愛遠江入畫處

漁人權得片帆過

鴛鴦何處雙棲宿
 蕩漾波心隄草綠
 一片湖光霽後開

夕陽影裏邨邨屋。

冬夜讀子美集

熠熠寒燈宵漏移。鍾情獨在少陵詩。
幘幘兩大堪同體。偏小諸家莫贊辭。
龍劍飛騰刁斗冷。雪山鬱勃暮猿悲。
一回讀罷重蕭瑟。恍見江干寥落時。

田家卽事

溪邊流水聚。稻田夜來雨。農人招伴飲。雜坐無賓主。
欣此雨及時。有秋輒自許。但恐子孫愚。莫識甘與苦。
天運有循環。筋力須勵汝。早起荷耒行。薙草中田處。

浙江圖書館



出嗣男 惠康 仁田 校字



浙江圖書館



浙江圖書館




浙江圖書館





浙江圖書館



Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black